



1. Baca petikan di bawah, kemudian jawab soalan-soalan berikut.

Malaysia dilanda ‘cuaca panas’

Disebabkan El-Nino, cuaca di negara Malaysia semakin panas. Dijangkakan cuaca akan menjadi lebih panas pada masa hadapan. Pada masa kini, kebanyakan kawasan di Malaysia dilanda cuaca panas dan kering. Cuaca panas ini dijangka berlanjutan selama beberapa bulan. Menurut laporan berita, kawasan tertentu seperti Cuping, Perlis dan Alor Setar, Kedah mencatat suhu setinggi 38.5 darjah *celcius*.

- (a) Bagaimanakah situasi ini memberi kesan terhadap aktiviti ekonomi negara?
- (b) Bagaimanakah anda boleh menjadikannya sebagai peluang perniagaan?

2. Baca petikan di bawah, kemudian jawab soalan-soalan berikut.

Lekor King jenama kian popular

Bagi pengasas Lekor King, Mohd Hakim Abu Bakar, idea untuk membuka perniagaan berasaskan keropok lekor ini tercetus daripada keinginannya untuk bergelar usahawan. Lekor King yang terkenal di Pantai Klebang, Melaka turut melakar kejayaan tersendiri apabila semakin mendapat sambutan untuk difrancaiskan.

Menurut Mohd Hakim, ia bermula dengan sebuah gerai di tepi jalan yang terletak di kawasan Kandang, Melaka pada tahun 2013. “Saya hanya bermodal RM400 pada masa itu, jualan sehari RM20 sahaja. Tapi saya tidak berputus asa kerana saya percaya mana-mana perniagaan pun tidak boleh mencapai keuntungan dalam masa singkat. Saya sempat berniaga di situ selama dua minggu dan kemudiannya bertukar kepada lokasi Pantai Klebang (Melaka). Siapa sangka, rezeki saya bermula di situ dan saban hari jualan Lekor King semakin bertambah serta mendapat keuntungan sebanyak empat angka dalam sehari,” katanya yang tidak menafikan kejayaan Lekor King adalah disebabkan lokasi strategik yang menjadi tumpuan ramai.

Menurut Mohd Hakim, dia amat menitikberatkan kualiti produk makanannya dengan memilih keropok lekor dari Terengganu yang terkenal dengan keasliannya.

(Dipetik dan disesuaikan daripada: Sinar Harian, 28 Februari 2016)

- (a) Adakah anda bersetuju dengan keputusan Mohd Hakim untuk menjadi seorang usahawan? Berikan alasan anda.
- (b) Mengapakah perniagaan ini dimulakan di Pantai Klebang, Melaka?